



PRIMA SESSIONE STRASURDINARIA DI U 2019  
1ERE SESSION EXTRAORDINAIRE DE 2019  
31 DI GHJENNAGHJU È 1<sup>U</sup> DI FERRRAGHJU  
31 JANVIER ET 1ER FEVRIER

2019/E1/003

## Dumanda posta da a signora Marie-Hélène PADOVANI à nome di u gruppu « Andà per dumane »

**UGETTU** : Frattura numerica

U Sgiò Presidente, Cari cullegghi,

L'accessu à e tennulugie numeriche nove hè in Corsica un'imbusca essenziale cum'è in altrò, ch'ella sia per l'accessu à u materiale o à cumpetenze numeriche, in particolare in u quattru di procedure chì, più vè più sò smaterializate

A rilazione trà l'amministrati è i servizii publichi hè cambiata da cima in fondu. I servizii di u Statu pare ch'elli fughjinu u nostru territoriu, i persunali chì piglianu a so ritirata sò rimpiazzati da procedure smaterializate. Avà i citatini ùn sò altru chè numeri è codici infurmatichi. A nostra sucetà à pocu à pocu perde a dimensione umana.

A Corsica, a sapete bè, pate parecchi svantaghji à tempu.

- Frattura suciale : Hè a regione à più povera di Francia ;
- Frattura tennologica : I flussi internet ci sò i più debuli. Settori sani, in particolare campagnoli, patenu sfunziunamenti frequenti di i rituali telefonichi chì impediscenu l'accessu à a 4G o ancu sò sclusi in tuttu da u serviziu alta reta.
- Frattura amministrativa : A distanza trà i servizii publichi è a pupulazione cresce ancu di più chè in cuntinente : chjusura d'agenze pustale, di gendarmarie, di servizii amministrativi, di servizii publichi di Statu, di scole, per mutivi di rentabilità.

E PME è l'artigiani sò tocchi anch'elli è devenu risponde à e chjame per mezi smaterializati da chì u mercatu trapassa i 25 000 eurò. Per avà, per via di sta nuvella pru-

cedura cunstringhente chì vole un tempu d'adattazione, l'ufferte sò brutte o ùn ci n'hè.

Ùn hè da felicità u ridattore di issu testu chì hè statu pensatu torna pè e metropole maiò induve tennulugie numeriche è furmazione omu e trova à l'usciu.

U nostru gruppu hè impensertu pè a nostra pupulazione. Tandu cumu fà di u numericu una leva per migliurà l'attività economica è l'accessu à i diritti è à i servizii publichi ?

Per risponde à issa sfida ci vole à buscassi cumpetenze nuvelle, travagliadori suciali specializzati in u numericu chì devenu uperà in core à territorii isulati è micca solu ind'e gran metropole.

O Sgiò Presidente, avete l'ambizione di fà di a Corsica una terra numerica d'eccellenza . In u 2017 avete tracciatu un pianu d'azione à trè cun 3 misure principale includendu u sceccu cunessione, a creazione di un serviziu publicu di a mediazione numerica è una strategia in quantu à l'inclusione numerica. Oghje chì effetti pusitivi hà pruduttu issu pianu ?

Pensate ch'ella sia pussibile di risponde à issa sfida ? Quella chì permette u sviluppu di i servizii publichi per l'accessu à u numericu in i territorii i più scantati ?

Pensate di pudè aiutà, è in chì manera, e cumune, soli mezani esistenti trà i servizii publichi è a pupulazione ?

Vi ringraziu.